

Medienmitteilung der Gemeinde Surses (Nr. 11-2021)

Tar igl cumegn da Surses èn las plazzas suandontas neidas occupadas da nov:

Referendaria codesch funsil

Per la piazza publicgeida da referendaria digl codesch funsil èn neidas eligeidas donna Daniela Pietribiasi e donna Sandra Meier. Ellas vignan a parteir las incumbensas an pensums parzials.

Donna Daniela Pietribiasi da Coira ò experientschas da ples onns e saveida multifara scu referendaria e secretaria ainten divers menaschis ed administraziuns aint igl Grischun.

Donna Sandra Meier abitescha cun la sia famiglia a Cunter. Er ella è fitg bagn preparada per las novas incumbensas cun aveir cunaschientschas digls pladimaints d'anfignen ossa, tranter oter tar biros da notariat.

Donna Pietribiasi succeda a parteir da mez fanadour e donna Meier a parteir digl 1. d'otgover a Giovanna Dosch, tgi ans bandunga per rimnar novas experientschas professionalias. La suprastanza communal angraztga a Giovanna pigls bungs sarvetschs e giaveischa ad ella tot igl bung pigl avigneir professional e privat.

Collaboratour sarvetsch tecnic

Per la piazza digl sarvetsch tecnic tgi è stada publicgeida igl matg è nia eligia signour Domenic Poltera. El è vaschign da Surses ed abitescha a Cunter. Scu luvrant puril e cun las sias activitads d'anfignen ossa ò el rimno experientschas tgi el so duvrar bagn aint igl sarvetsch tecnic.

Domenic Poltera succeda a parteir digl 1. da settember 2021 a Norbert Poltera tgi sparta digl sarvetsch tecnic la fegn da fanadour per piglier an mang ena nova sfidada. La suprastanza communal angraztga a Norbert pigls bungs sarvetschs pigl noss cumegn e giaveischa ad el tot igl bung pigl sies avigneir professional e privat.

Tinizong, 09-07-2021